

www.BibleForChildren.org

Matthew 8



Ango edo deguta tote (2) itae esiri embomai Keina
nasida yai Galili doda ami jimbari bondo siya esitera.
Edo Iesu da ai awa ainda isiri, edo Iesu ae ainda
ambodani de, awamane daedo bondo ainda jiputera.



Edo iji ainde waini inono ae esiri Iesu da aimi embo ainde sisina, "Awamaneda waini itae esira." Edo Iesu da aimi buro embobode sisina, "Embo emi buro ro awate tari gido, ango ewo."



Iesu mi buro embobode sisina, "Un sigi
awa berari un gerigewo." Edo awamanemi
gerigetero gundo beda esisina. Edo ami
awamanede sisina, "Awara, nenei jimundo
kundo mambuwo bondo badarida yai."
Awatedo ango esitera.



Edo iji angode bondo badarimi un injido gosisina. Ata
un awa matu wareregedo waini esisina. Edo bondo
badari waini nonda edo
gumbiri awa imo gae,
awarata buro embobo un
jimundo pipisitera ami
gositera.



Awatedo bondo badarimi, imo jimbari tutu dao tesiri
gupusina. Edo bondo badarimi embo ainde sisina,
"Embo berarimi waini dave
embomaide gisi pioro
injido inono eoro gido,
waini tega tuda pioro
injido eora. Ata ine
waini dave jieto gundo
iji boroko ainda
esira!"





Eiwa awa kariwa tuturobéda Iesu mi esisina. Edo imo Keina nasida yai Galili doda awa esisina. Ango edo ainda taogari arapa esisina, edo ainda ambodanimi awamaneda gebé ari ainda yai pipisitera.



Edo iji ainde Iesu gundo Peter da
mandoda torido Peter da imbosi awa
karu tamò vevera ari bureite besida
durudo isiri gosisina.




Edo Iesu mi eutu ainda ipa tujijisina. Edo eutu ainda
karu tamó vevera ari awa itae esisina. Ango edo eutu
awa erido petedo tuturo edo embo awa sima esisina.



Ainda amboda, iji wotesiri ainda turode, embomi Yesu
da yai karu embomai de bineimaneda bundari de awa
daedo kundo guputera.
Embomai berari nasi
bajinada awa mando
manguro beda dada
esitera.



Edo Yesu mi karu neindekainde awa gao euri
kaviyegedo esitera. Edo bineimane embomainda doda
awa ondeuri idegedo esitera. Edo awamane gari,
Yesu awa God da Mai, awatedo, ine dowae bineimane
ge tae.



Edo embo berari doregesitera ami imo tujiain edo
esitera, aindabé, embo ainda goroba idegeteira ami
embo berari kaviyegetera awatedo.



Edo embo ipa ao pasido (4) ami embo ipatai ambari
awa bundedo Yesu da yai kundo guputera.



Embomai doregesitera,
awatedo, embo awa
kundo ainda yai piari
tao ae esitera.




Ango esiri gido awamane mando
tada visido sitoro kapedo yai
Yesu isira ainda toto
esitera. Ango edo embo
kakateda awa dotero
wowosisina.




Edo Yesu awamaneda
gebé ari awa goteite
ami embo ipatai
ambaride sisina,
"Mai nato, jimbo
ito kotembedo
doteno itae esira."
"Nane imonde
tena. Eri! Topi
ito kundo mando
itoda mambuyo!"



Ango edo embo awa aundo un ma doda
wotesiri ainda ambodani imo ambo
ambo esitera. Edo burigibé bisi
bitara goroba ubutuda gupeiri
yawata bajina erorisina.
Edo ma awa yawatami
tuturo edo apuregain
esisina. Ata Iesu
awa jitao ausina.



Ata embo ami awamanede sisina, "Ro awaembo imomane adu evi? Itomane gebé ari awa saka." Ango edo embo awa erido petedo bisi ae yawata de ge okain tesiri ubutu damodamobé esisina. Edo embobo korebé edo tedo sitera, "Embo eiwa kariwa nongo nongori? Giwo, bisi ae ubutu de ainda ge kera era!"



God mi embomai butu dededa dubobé
burisina, awatedo ami ainda Mai
dakaima awa pipisisina, berari ainmi
gebé ari ainda yai pipiteira awa
betainyae, ata wasiri natopo
itari barate.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Binandere Bible (bhg) © 2014, Wycliffe Bible
Translators, Inc. All rights reserved

<https://www.bible.com/bible/1407/MAT.1>

©2026 Bible for Children, Inc.

www.M1914.org

www.bibleforchildren.org

